

ქ. ხოზი

2020 წლის 28 მაისი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 12

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. დოდო გაბუნია
4. დავით ბერაია
5. ვლადიმერ ქანთარია
6. თეა გელანტია
7. ტარიელ ალექსანდრია
8. კახა ლატარია
9. ბექა მამაცაშვილი
10. მერაბ ფილიპია
11. თემურ გულუა

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

დღის წესრიგი:

1. ხოზის მუნიციპალიტეტის მერის გ. ქაჯაიას 2020 წლის 27 მაისის N05/1256 წერილის განხილვა („ხოზის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების უსასყიდლო სარგებლობის უფლებით (აღნაგობის ფორმით), გადაცემაზე თანხმობის მიცემის შესახებ“ განკარგულების პროექტის თაობაზე);

(მომხსენებელი: ვ. ქანთარია - ხოზის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე);

2. ხოზის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარის ვ. ქანთარიას 2020 წლის 27 მაისის N26/01 განცხადების განხილვა („ხოზის მუნიციპალიტეტის ხოზის ადმინისტრაციულ ერთეულის (ქალაქი ხოზი) ტერიტორიაზე არსებული ქუჩებისთვის სახელის გადარქმევისა და უსახელო ქუჩების სახელდების შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებულ საკითხის განხილვა

1. ხობის მუნიციპალიტეტის მერის გ. ქაჯაიას 2020 წლის 27 მაისის N05/1256 წერილის განხილვა („ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების უსასყიდლო სარგებლობის უფლებით (აღნაგობის ფორმით), გადაცემაზე თანხმობის მიცემის შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

მოისმინეს: ვ. ქანთარია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების უსასყიდლო სარგებლობის უფლებით (აღნაგობის ფორმით), გადაცემაზე თანხმობის მიცემის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვი) და აღნიშნა, რომ ხობის მუნიციპალიტეტის მერიის განმარტებით მუნიციპალიტეტის მერიაში შევიდა ფოთისა და ხობის ეპარქიიდან წერილი, რომლის საფუძველზეც მერიის შესაბამისი სამსახურის მიერ განხორციელდა ძველი ხიბულის ადმინისტრაციულ ერთეულში მდებარე მუნიციპალიტეტის საკუთრებაში არსებული მიწის ნაკვეთის დაყოფა, სადაც ძველი ხიბულის მოსახლეობის ინიციატივით დაიგეგმა ტაძრის მშენებლობა. ხოლო 2020 წლის 25 მაისის N371 წერილით მერიას მიმართა თხოვნით სსიპ საქართველოს საპატრიარქომ აღნიშნული ფართის უსასყიდლო სარგებლობის უფლებით (აღნაგობის ფორმით) გადაცემის თაობაზე. მერიის მხრიდან მიზანშეწონილად იქნა მიჩნეული ძველ ხიბულაში მდებარე მუნიციპალიტეტის საკუთრებაში არსებული (ს/კ 45.17.21.360) 2284 კვ.მ არასასოფლო-სამეურნეო დანიშნულების მიწის ფართობის უსასყიდლო სარგებლობის უფლებით (აღნაგობის ფორმით) ტაძრის კომპლექსის მშენებლობისთვის სსიპ საქართველოს საპატრიარქოსთვის 99 წლის ვადით გადაცემის თაობაზე. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მასში გარკვეული

კორექტივების შეტანის შემდეგ პროექტი გატანილ იქნეს საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარის ვ. ქანთარია 2020 წლის 27 მაისის N26/01 განცხადების განხილვა („ხობის მუნიციპალიტეტის ხობის ადმინისტრაციულ ერთეულის (ქალაქი ხობი) ტერიტორიაზე არსებული ქუჩებისთვის სახელის გადარქმევისა და უსახელო ქუჩების სახელდების შესახებ“ განკარგულების პროექტის თაობაზე

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

მოისმინეს: ვ. ქანთარია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის ხობის ადმინისტრაციულ ერთეულის (ქალაქი ხობი) ტერიტორიაზე არსებული ქუჩებისთვის სახელის გადარქმევისა და უსახელო ქუჩების სახელდების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის საკრებულოში შემოვიდა ხობის მუნიციპალიტეტის მერის წერილი სტალინის ქუჩის მცხოვრებთა კოლექტიური განცხადების, საქართველოს განათლების, მეცნიერების, კულტურისა და სპორტის სამინისტროს წერილისა და მოქალაქე მურთაზ ჯანჯღავას განცხადების საფუძველზე ხობის ადმინისტრაციულ ერთეულში არსებული ქუჩებისთვის სახელის გადარქმევისა და უსახელო ქუჩების სახელდების შესახებ. კერძოდ, წარმოდგენილი იყო შემდეგი სახის წინადადება: 1. სტალინის ქუჩისთვის საქართველოს პირველი პრეზიდენტის ზვიად გამსახურდიას სახელის მინიჭების თაობაზე; 2. ბერიას ქუჩისთვის საქართველოს ეროვნული გმირის ჟიული შარტავას სახელი მინიჭების თაობაზე; 3. სახელდების გარეშე დარჩენილი ქუჩა N1-თვის დიდი საეკლესიო მოღვაწის არქიმანდრიტ ალექსი მირცხულავას სახელის (საზღვრები: ე.წ. „ფუნისკულიორის აღმართი“ - არკადი მორგოშვიას

საკარმიდამო) მინიჭების თაობაზე; 4. სახელდების გარეშე დარჩენილი ქუჩა N2-თვის ცნობილი თეატრალური ოჯახის წარმომადგენლების პიერ და ბადრი კობახიძეების სახელის (საზღვრები: კვეთა მეუნარგიას ქუჩასთან - კვეთა კოლხეთის დასახლების ცენტრალურ შესასვლელ გზასთან) მინიჭების თაობაზე; 5. სახელდების გარეშე დარჩენილი ქუჩა N3-თვის „კოლხეთის“ (საზღვრები: კოლხეთის შესასვლელი - ყოფილი კოლხეთის მეურნეობის საცხოვრებელი ბინები) სახელის მინიჭების თაობაზე; 6. სახელდების გარეშე დარჩენილ ქუჩა N4-თვის სახელოვანი ლოტბარის ალიოშა ბერაიას სახელის (საზღვრები: მამუკა ალექსანდრიას საკარმიდამო - ნოჯიხევის ადმინისტრაციული ერთეული). ხობის ადმინისტრაციული ერთეულის ტერიტორიაზე არსებული ქუჩებისთვის სახელის გადარქმევისა და უსახელო ქუჩების სახელდების შესახებ საკითხი განხილულ იქნა საკრებულოს ქონების მართვისა და ინფრასტრუქტურის კომისიის მიერ და მოწონებულ იქნა წარმოდგენილი წინადადება. აღნიშნული საკითხზე კომისიის მიერ მოსახლეობასთან ჩატარდა კონსულტაციები, გამოკითხვები და მათ მხრიდანაც მხარდაჭერილ იქნა მერიის მიერ წარმოდგენილი ინიციატივები. საკრებულოს ქონების მართვისა და ინფრასტრუქტურის კომისიის მიერ „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის N239 დადგენილების შესაბამისად, საკითხი შესათანხმებლად გადაეგზავნა გეოგრაფიული ობიექტების სახელწოდებათა დადგენის, ნორმალიზების, გამოყენების, აღრიცხვისა და დაცვის სამთავრობო კომისიას, რომლის 2020 წლის 10 მარტის N19 სხდომის ოქმის საფუძველზე, მუნიციპალიტეტის საკრებულოს მიეცა თანხმობა ქ. ხობში არსებული ქუჩებისთვის სახელის გადარქმევისა და უსახელო ქუჩებისთვის სახელის მინიჭების თაობაზე. ზემო აღნიშნულის გათვალისწინებით კომისიის მიერ მომზადდა განკარგულების პროექტი „ხობის მუნიციპალიტეტის ხობის ადმინისტრაციულ ერთეულის (ქალაქი ხობი) ტერიტორიაზე არსებული ქუჩებისთვის სახელის გადარქმევისა და უსახელო ქუჩების სახელდების შესახებ“. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია პროექტი გატანილ იქნეს საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



ედემერი ჯობავა